

**Ikam long Presiden Henry B. Eyring**  
Nambawan Kaunsela insait long Nambawan Presidensi

# Noken Poret long Wokim Gutpela Pasin

*Bikpela i tokim yumi olsem taim yumi sanap wantaim feit antap long bikpela ston bilong Em, tubel na poret bai i go liklik; dispela laik long mekim gutpela pasin bai go bikpela.*

**O**l dia brata na susa bilong mi, mi daunim mi yet na prei olsem bai Spirit bilong Bikpela bai stap wantaim yumi taim mi toktok tede. Bel bilong mi i pulap long bikpela hamamas na tenkyu i go long Bikpela, husat dispela em Sios bilong Em, long dispela litimapim tingting yumi bin pilim insait long ol switpela preya, ol toktok we i litimapim tingting, na ol singsing olsem bilong ol ensel insait long dispela konferens.

Long las April, Presiden Thomas S. Monson bin givim wanpela meseig em bin kirapim bel bilong manmeri long dispela wol, na bilong mi tu. Em i bin toktok long pawa bilong Buk Momon. Em i bin kaunselim yumi long stadim, tingting, na yusim ol tising bilong en. Em bin promis olsem taim yumi mekim taim long wanwan de long stadim na tingting na holimpasim ol komanmen i stap insait long Buk Momon, yumi bai gat wanpela strongpela testimoni bilong

trut bilong en, na karim bilong en em strongpela testimoni bilong Kraus i stap laip bai karim yumi i go long sefti long taim bilong birua. (Lukim “The Power of the Book of Mormon,” *Liahona*, May 2017, 86–87.)

Olsem planti bilong yupela, mi harim ol toktok bilong profet olsme maus bilong Bikpela long mi. Na, tu olsem planti bilong yupela, mi wokim desisen long harim tok long ol dispela toktok. Taim mi bin yangpela boi, mi bin pilim dispela witnes olsem Buk Momon em i tok bilong God, olsem Papa na Pikinini Man i bin kamap and toktok wantaim Joseph Smith, na olsem ol Aposol bilong bipo bin kam long Profet Joseph long bringim bek ol prishud ki long Sios bilong Bikpela.

Wantaim dispela testimoni, mi bin ridim Buk Momon olgeta de moa long 50 yia. Olsem na ating mi bin mas ting tru olsem tok bilong Presiden Monson em i bilong

narapela lain. Tasol, olsem planti long yupela, mi bin pilim tok bilong strongim bel em profet i mekim na promis bilong em i askim mi long traim moa gen. Planti long yupela i bin wokim wanem samting mi wokim: em long prei wantaim bikpela moa as tingting, tingting na skelim skripsa wantaim moa as tingting, na traim hat long sevim Bikpela na ol narapela long Em.

Naispela karim bilong dispela long mi, na long planti long yupela, em long wanem profet i bin promis. Yumi ol dispela lain husat i bin kisim na wokim kaunsel bilong em long bel bilong yumi bin harim Spirit klia moa yet. Yumi bin painim pawa i bikpela moa long paitim temtesen na bin pilim bikpela moa feit long Jisas Kraus i stap laip, insait long gospel bilong Em na Sios bilong Em we i stap laip.

Insait long taim bilong bikpela moa nois long dispela wol, ol dispela testimoni we i gro strongpela moa i bin rausim tubel na poret na bin bringim i kam filing bilong pis. Harim bilong mi long kaunsel bilong Presiden Monson i bin gat tupela gutpela senis long mi: Nambawan; dispela Spirit em i promisim bin wokim wanpela tingting bilong hop long wanem samting i stap long bihain taim, maski olsem ol nois long dispela wol i wok long kamap bikpela. Na, nambatu, Bikpela i givim mi—na yu—wanpela bikpela moa filing long lav bilong Em long ol dispela lain husat i stap insait long hevi. Yumi bin pilim wanpela bikpela moa laik long go long halivim ol narapela. Dispela laik i bin stap long namel stret long ministri na tising bilong Presiden Monson.

Bikpela bin promisim lav long ol narapela na strong bilong bungim pen o taim nogut long Profet Joseph Smith na Oliver Cowdery taim ol wok i stap long ol wokim inap long luk olsem bikpela turu. Bikpela tok olsem dispela strong bilong bungim pen o hat taim bai kam long feit bilong ol long Em olsem bikpela ston bilong ol.

“Noken poret long wokim gutpela pasin, ol pikinini man bilong mi, long wanem, wanem samting yu planim, dispela tu bai yu kisim; olsem na, sapos yu planim gutpela samting yu bai kisim gutpela samting olsem pe bilong yu.

“Olsem na, noken poret, liklik sipsip; wokim ol gutpela samting; larim bai dispela ples graun na hel bung agensim yu, long wanem sapos yu wokim long bikpela ston bilong mi, ol bai no inap long stap.

“Lukim, mi no kotim yu; go long wokabaut bilong yu na noken sin gen; wokim wantaim klia tingting ol wok we mi tokim yu long wokim.

“Lukluk long mi long olgeta tingting; noken tubel, noken poret.

“Lukim ol sua we i sutim sait bilong mi, na tu ol mak long bilong nil long ol han na lek bilong mi; stap feitul, holimpasim ol komanmen bilong mi, na yu bai kisim kingdom bilong heven” (D&C 6:33–37).

Bikpela bin tokim ol lida bilong Em long dispela Bringim Bek Bilong Gospel, na Em i tokim yumi, olsem taim yumi sanap wantaim feit antap long bikpela ston bilong Em, tubel na poret bai i go liklik; dispela laik bilong wokim gutpela pasin bai go bikpela. Taim yumi wanbel long askim bilong Presiden Monson long planim insait long bel bilong yumi wanpela testimoni bilong Jisas Krai, yumi bai kisim dispela pawa, dispela laik, na dispela strong bilong bungim pen o hat taim long go long kisim bek ol narapela lain na no wari long nid bilong yumi yet.

Mi bin lukim pinis dispela feit na strong bilong bungim pen o hat taim planti taim, taim ol Lata-dei Seint husat i gat bilip bin bungim ol dispela traim

we inap mekim man poret. Long wanpela eksampol, mi bin stap long Idaho taim dispela dem ol i kolim Teton Dem i bin buruk long Jun 5, 1976. Wanpela banis bilong wara i bin kam daun. Ol tausen manmeri bin ronowei long ol hom bilong ol. Ol tausen hom na ol bisnis haus bin bagarap. Olsem wanpela mirakel, liklik moa long 15 manmeri bin lusim laip.

Wanem samting mi lukim long hap, mi bin lukim pinis taim ol Lata-dei Seint save sanap strong long bikpela ston bilong testimoni long Jisas Krai. Long wanem ol no save gat tubel olsem Em i save was long ol, ol save nogat. Ol i pasim ai long traim bilong ol yet long go ol halivim ol narapela lain. Na ol i wokim dispela long soim lav long Bikpela, na i no askim long bekim bilong dispela.

Long eksampol, taim dispela Teton Dem i bin buruk, wanpela Lata-dei Seint marit bin wokim long stap long wei long hom bilong tupela. Taim ol i harim dispela nius long redio kwiktai, tupela hariap go bek long ples Rexburg. Ol i no bin go long hom bilong ol yet long lukim sapos em i bagarap, tasol ol bin go pastaim long painim bisop bilong ol. Em i bin stap long wanpela haus ol wok long yusim olsem hap bilong bungim ol manmeri. Em bin wok long halivim long soim ol tausen long ol voluntia husat wok long kamap long hap long ol yelopla skul bus.

Tupela marit wokabaut go long bishop na tok, “Mitupela kambek nau tasol. Bisop, bai mitupela go long we long halivim?” Em i givim tupela long ol nem bilong wanpela femili. Dispela tupela marit i stap na rausim ol graun malum malum na wara long wanpela hom na bihain long narapela hom na go yet. Tupela wok long taim san i kamap inap long taim san i go daun long planti de. Bihain tru tupela malolo na tupela go long lukim wanem samting kamap long hom bilong tupela yet. Em i bin go pinis long dispela wara tait, na i no lusim wanpela samting long ol bai klinim. Na tupela i tanim kwik na

go bek long bisop bilong ol. Tupela askim, “Bisop, yu gat sampela lain long mitupela long halivim?”

Dispela mirakel bilong isi tasol soim strong bilong bungim pen o hat taim na siariti—em pua lav bilong Krai—i bin kamap planti taim long ol yia i go pinis na long planti hap long dispela wol. Em i bin kamap long ol taim nogut bilong ol dispela bagarap na traim long taim bilong Profet Joseph Smith long ples Missouri. Em i bin kamap taim Brigham Young i bin lidim dispela wokabaut i go aut long ples Nauvoo na em i bin singautim ol Seint i go long ples we i nogat wara long olgeta hap bilong sait bilong sandaun long kantri United States, long halivim wanpela narapela long mekim kamap Saion bilong Bikpela.

Sapos yu ridim ol jenel bilong ol dispela lain husat bin go pas, yu bai lukim dispela mirakel bilong feit we em i rausim tubel na poret. Na yu ridim stori long ol Seint husat i lusim ol interes bilong ol yet long halivim narapela lain bilong Bikpela, bipo long ol i go bek long ol sipsip bilong ol yet o ol graun bilong ol, ol i no digim yet.

Mi bin lukim dispela wankain mirakel sotpela taim i go nau tasol long bihain bilong Hariken Irma long kantri Puerto Rico, ples Saint Thomas, na ples Florida, we ol Lata-dei Seint i bung wantaim ol narapela sios, ol lokol komuniti grup, na ol nesanel oganaisesen long statim traim long klinim ples.

Olsem ol pren bilong mi long ples Rexburg, tupela marit bilong ples Florida husat i no memba i lukluk klostu long halivim komuniti na i no long wok long hap bilong tupela yet. Taim ol sampela Lata-dei Seint neiba bin laik givim halivim long ol wantaim tupela bikpela diwai em bin pasim rot bilong tupela, dispela tupela marit bin tok klia long ol olsem tupela bin kirap nogut na olsem tupela bin tanim i go long halivim ol narapela lain, long gat feit olsem Bikpela bai givim halivim tupela nidim long hom bilong tupela yet. Bihain marit man ya bin sherim

olsem bipo long ol Sios memba bilong yumi bin kamap wantaim laik long halivim, tupela marit bin wok long prei. Ol i bin kisim bekim olsem halivim bai kam. Dispela i bin kam insait tasol long taim bilong dispela promis.

Mi bin harim wanpela ripot olsem sampela lain wok long kolim ol dispela Lata-dei Seint husat wok long bilas long ol yelopela Halivim Han T-Siot long ol “Ol Dispela Yelopela Ensel.” Wanpela Lata-dei Seint meri bin kisim ka bilong em i go long sevis, na dispela man husat i wok long halivim em bin tok long dispela “ekspiriens bilong spirit” em bin gat taim ol lain long ol yelopela siot bin rausim ol diwai long hap bilong em na bihain, em i tok, ol “bin singsing wanpela singsing long mi long mi wanpela pikinini bilong God.”

Narapela meri bilong Florida—i no bilong feit bilong yumi tu—bin tokim mi olsem ol Lata-dei Seint bin kam long hom bilong em taim em bin wok long wok insait long hap bilong em we i bin bagarap na pilim kirap nogut, hot turu, na klostu long krai. Ol voluntia bin kamapim, long tok bilong em yet, “wanpela pua mirakel.” Ol i sev wantaim lukaut gut na was klostu, na tu wantaim planti lap na smail, na ol i no askim long pe.

Mi bin lukim dispela lukaut gut na was klostu na harim dispela laip tam, long pinis bilong wanpela Sarere, mi visitim dispela hap wantaim wanpela grup bilong ol Lata-dei Seint long Florida. Ol voluntia lain bin stopim wok bilong ol long liklik taim long larim mi sikanim han bilong sampela bilong ol. Ol tok olsem 90 memba bilong stek bilong ol long ples Georgia bin kamapim wanpela plen long joinim dispela kisim bek wok long Florida long nait bipo long mi kamap.

Ol bin lusim Georgia long 4 kilok long moning, draiv long planti aua, wok long dispela dei na tu i go long dispela nait, na ol i bin mekim plen long wok gen long neks de.

Ol bin tokim mi long dispela wantaim smail na gupela pani.

Wanpela presa tasol mi bin pilim i kam long ol em olsem ol bin laik tasol long mi pinis long tok tenkyu long ol olsem bai ol inap go bek long wok. Stek presidend bin wok long statim get senso bilong em na wok long katim wanpela diwai bin pundaun pinis na wanpela bisop wok long surukim ol han diwai taim mipela kalap long ka bilong mipela long go long narapela lukim ol narapela lain wok long wok.

Pastaim long dispela de, taim mipela wok long lusim wanpela hap, wanpela man bin wokabaut kam long ka, rausim hat bilong em, na tenkim mipela long ol voluntia. Em bin tok, “Mi no memba bilong sios bilong yupela. Mi no inap long bilipim wanem yupela i bin mekim bilong mipela. God blesim yupela.” Wanpela LDS voluntia husat i wok long sanap i stap klostu long em long yelopela siot bilong em i bin smail na surukim solda bilong em olsem tasol em i no bin nidim tok tenkyu tru.

Taim ol dispela voluntia long Georgia bin kam long halivim dispela man husat i no bin bilipim, handred moa long ol Lata-dei Seint long dispela hap long Florida we i bin bagarap stret bin go planti handred mail saut long ol long narapela ples long Florida we ol i bin harim olsem ol lain bin kisim bikpela moa bagarap.

Dispela de mi bin holim long tingting na save gut moa dispela tok profet bilong Profet Joseph Smith: “Wanpela man husat i pulap long lav bilong God, i no hamamas wantaim blesing bilong femili bilong em yet, tasol lukluk long olgeta hap long wol, tingting planti long blesim olgeta manmeri long dispela ples graun” (*Tising bilong ol Presiden bilong Sios: Joseph Smith* [2007], 426).

Yumi save lukim dispela lav long ol laip bilong ol Lata-dei Seint long olgeta hap. Wanwan taim taim i gat wanpela samting nogut long sampela hap long wol, ol Lata-dei Seint save givim na voluntia i go long strong bilong Sios long halivim ol manmeri. Planti taim i nogat nid bilong singaut

long halivim. I tru olsem, long planti taim, yumi bin askim ol lain laik long voluntia long weit long go long ol dispela hap bilong wokim kisim bek wok inap ol dispela lain husat wok long bosim wok i redi long kisim ol.

Dispela laik long givim blesing em i prut bilong ol lain husat wok long kisim testimoni long Jisas Krai, gospel bilong Em, Sios bilong Em we i kambek pinis, na profet bilong Em. Dispela em wai ol lain bilong Bikpela no save tubel na no save poret. Dispela em wai ol misinari save voluntia long mekim sevis wok long olgeta kona bilong dispela wol. Dispela em wai ol papamama save prei long ol narapela wantaim ol pikinini bilong ol. Dispela em i wai ol lida save salensim ol yut long kisim askim bilong Presiden Monson long daunim ol yet long Buk Momon long bel bilong ol. Dispela kaikai i no bai kam taim ol lida tok strong long ol tasol long taim ol yut na ol memba wokim samting long feit bilong ol yet. Dispela feit, taim ol putim long wok, em i nidim sakripais wantaim nogat pe bilong en, bai bringim dispela senis long bel bilong ol olsem bai mekim ol pilim dispela lav bilong God.

Tasol, bel bilong yumi, bai stap senis olsem tasol taim yumi wok yet long bihainim kaunsel bilong profet. Sapos yumi stop long wokim dispela bihain long wanpela taim yumi kwiktaim tru long traim, senis bai lus.

Ol feiftul Lata-dei Seint bin gat bikpela moa feit long Bikpela Jisas Krai, insait long Buk Momon olsem tok bilong God, na long dispela kambek bilong ol prishud ki insait long trupela Sios bilong Em. Dispela bikpela moa testimoni bin givim yumi bikpela moa strong bilong bungim pen o hat taim na wari long ol narapela long ol pikinini bilong God. Tasol ol dispela salens na ol dispela opotuniti em i stap yet bai nidim moa yet.

Yumi no inap long lukim ol liklik samting, tasol yumi save long bikpela piksa. Yumi save olsem long ol las de, dispela wol bai stap insait long planti kainkain samting. Yumi save olsem

long namel bilong wanem kainkain trabel bai kam, Bikpela bai lidim ol feifitful Lata-dei Seint long kisim gospel bilong Jisas Krai i go long olgeta neisen, hauslain, tang, na ol pipol. Na yumi save olsem ol trupela disaipol bilong Bikpela bai stap stretpela na redi long kisim Em taim Em i kam gen. Yumi mas noken poret.

Olsem na, inap olsem yumi bin bildim pinis feit na strong bilong bungim pen o hat taim long bel bilong yumi, Bikpela bai laikim moa long yumi na long ol lain bihain long yumi. Ol bai nid long strong moa na i no poret long wanem ol bai wokim ol bikpela na hatpela samting moa long dispela yumi bin wokim. Na ol i bai bungim bikpela moa krosipait i kam long ol birua bilong ol sol bilong yumi.

Wei i go long gat hop taim yumi wok long go het em Bikpela bin givim: “Lukluk long mi long olgeta tingting, noken tubel, noken poret” (D&C 6:36). Presiden Monson i bin tokim yumi long hau long wokim dispela. Yumi mas tingting na wokim Buk Momon na ol toktok bilong ol profet. Prei olgeta taim. Mas bilip stap Sevim Bikpela wantaim olgeta

lewa, pawa, tingting, na strong. Yumi mas prei wantaim olgeta strong bilong mekim wok bilong bel bilong yumi long dispela blesing bilong siariti, dispela pua lav bilong Krai (lukim Moroni 7:47-48). Na antap long olgeta, yumi mas stap wankain olgeta taim na stap wantaim strong tingting long bihainim kaunsel bilong ol profet.

Taim rot i hat, yumi inap trastim promis—bilong Bikpela dispela promis Presiden Monson i tokim yumi gen long taim em i save kolim gen ol dispela tok bilong Sevia: “Husat i kisim yu, long hap mi bai stap tu, long wanem mi bai long bipo long pes bilong yu. Bai mi stap long han sut sait bilong yu na long han kais sait bilong yu, na Spirit bilong mi bai stap insait long lewa bilong yu, na ol ensel bilong mi bai raunim yu na litimapim yu go antap” (D&C 84:88).

Mi testifai olsem Bikpela bai go bipo long pes bilong yu taim yu wok long wokim wok bilong Em. Sampela taim yu bai dispela ensel Bikpela bai salim long litimapim ol narapela lain. Sampela taim yu bai dispela man o meri ol ensel bai banisim yu na litimapim yu. Tasol olgeta taim yu bai

gat Spirit bilong Em long lewa bilong yu, olsem tasol promis yu save kisim long olgeta sakramen lotu. Yu bai nid tasol long holimpasim ol komanmen bilong Em.

Ol nambawan de tru i stap yet bilong kingdom bilong God long dispela ples graun. Krosipait bai strongim feit bilong yumi long Jisas Krai, olsem tasol long ol de bilong Profet Joseph Smith. Feit save olgeta taim winim poret. Sanap wantaim bai kamapim bung wantaim. Na ol preya bilong ol lain i gat nid God bilong lav bai harim na bekim ol. Em i no save malolo na tu Em i no save Silip.


Mi tokaut long witnes olsem God Papa em i stap laip na laikim yu long kam long ples long Em. Dispela em i trupela Sios bilong Bikpela Jisas Krai. Em i save long yu; Em i lavim yu; Em i was long yu. Em i bin aton long ol sin bilong yu na mi na ol sin bilong olgeta pikinini bilong Papa long Heven. Wok long bihainim Em long laip bilong yu na long sevis bilong yu long ol narapela em i wanpela wei tasol i go long laip oltaim oltaim.

Mi testifai na lusim wantaim yu blesing na lav bilong mi. Long sekret nem bilong Jisas Krai, amen.

## Ol Tising bilong Taim bilong Yumi

Long Novemba 2017 i go long April 2018, ol Melkisedek Prishud na Rilif Sosaiti skul long ol namba 4 Sande ol bai kisim na redim long wanpela o tupela moa toktok long dispela Oktoba 2017 jenerol konferens. Long April 2018, ol i ken kisim toktok long Epril o Oktoba jenerol konferens. Ol stek na distrik presiden i ken kisim wanem toktok bai ol i yusim long ol eria bilong ol, o ol i ken delegetim dispela risponsibiliti long ol bisop na brens presiden.

Ol toktok i stap long planti tokples long [conference.lds.org](https://www.conference.lds.org).



Ikam long Presiden Dieter F. Uchtdorf

Nambatu Kaunsela insait long Nambawan Presidensi

## Ol Tripela Sista

*Yumi risponsibol long disaipolsip bilong yumi yet, na em i gat liklik samting—o nogat samting tru—long wokim wantaim hau ol narapela lain save lukluk long yumi.*

Ol dia sista, ol dia pren, long statim jenerol konferens wantaim wanpela sesin bilong ol sista long olgeta hap bilong wol em i impoten na gutpela tru. Olsem tingim tasol: ol sista long olgeta kain krismas, stap bilong ol, kantri, na ol tokples bung wantaim long feit na lav bilong Bikpela Jisas Kraus.

Olsem yumi bin i no long taim i go pinis mit wantaim bilaved profet bilong yumi, Presiden Thomas S. Monson, em i tokaut long yumi long hamas tru em i lavim Bikpela. Na mi save olsem Presiden Monson i gretful turu long lav bilong yupela, preya bilong yupela, na komitmen bilong yupela long Bikpela.

Longpela taim i go pinis long wanpela ples long wei tru wanpela femili long ol tripela sista bin save stap.

Nambawan sista bin stap **sori**. Olgeta samting long nus bilong em i go long wasket bilong em na long skin bilong em i go long ol pinga long lek bilong em i no bin klostu long laik bilong em. Taim em i save toktok, ol toktok bilong em sampela taim i save kamaut pani, na ol manmeri save lap. Taim wanpela

save makim ol samting i rong long em o “lus tingting” long askim em long wanpela bung, em bai sem, wokabout i go, na painim wanpela hait hap we em bai pulim wanpela sori win na tingting long olsem wanem na laip bin kamap olsem we i no gutpela na nogat hamamas.

Nambatu sista bin stap **kros**. Em i bin ting olsem em tasol em i smatpela, tasol bin save gat narapela husat save kisim namba antap moa long em long ol tes long skul. Em i tingim olsem em tasol i pani, naispela, stail meri, na luk gut tru. Tasol olgeta taim, i luk olsem i gat wanpela husat i pani moa, naispela moa, stail moa, o luk gut tru moa yet.

Em no bin save nambawan long wanpela samting, na dispela em no bin inap long laikim. Laip i no bin mas olsem!

Sampela taim em bai bikmaus long ol narapela lain, na i bin luk olsem em bai olgeta taim klostu long belhat long wanpela samting o narapela samting.

Em tru, dispela no bin mekim ol narapela lain laikim em moa o mekim em kamap moa popula. Sampela taim em bai kaikai tit bilong em, holim

strong han bilong em, na tingting, “Laip i unfe tru!”

Na bihain bin gat stap nambatri sista. Tasol i no olsem ol tupela sista bilong em, sori na kros, em i bin stap gut, **pilim hamamas**. Na i no long wanem em i smat moa o naispela moa o save moa long tupela sista bilong em. Nogat, ol lain sampela taim save stap long we na tanim pes long em tu. Sampela taim ol i save mekim pani long wanem klos em i suim o wanem samting em i tok long en. Samting taim ol i save tok ol rabis samting long em. Tasol em i no bin larim ol dispela samting long tingting planti tumas.

Dispela sista i save laikim tru long singsing. Em no bin gat gutpela nek long singsing, na ol lain save lap long en, tasol dispela i no stopim em. Em bai save tok, “Mi no inap long larim ol narapela lain na ol tingting bilong ol long stopim mi long singsing!”

This samting tru olsem em wok long singsing yet i mekim nambawan sista bilong em sori na nambatu sista bilong em kros.

Planti yia i go pinis, na taim kamap baimbai wanwan sista kamap long arere long taim bilong em long dispela ples graun.

Nambawan sister, husat bin painim aut gen na ge olsem i nogat bin gat sot long ol sori long laip, taim kamap baimbai em i bin **daisori**.

Nambatu, husat olgeta de bin save painim wanpela samting nupela long no laikim, bin **daikros**.

Na nambatri sista, husat bin yusim laip bilong em long singsing ol singsing bilong em wantaim olgeta pawa na wantaim save stret smail long pes bilong em, bin dai **pilim hamamas**.

Em tru, laip i no save isi, na ol pipol no save isi tru olsem dispela tripela sista insait long dispela stori. Tasol bikpela moa yet ol eksampol olsem ol dispela inap tisim yumi sampela samting long yumi yet. Sapos yu olsem planti bilong yumi, yu bin inap luk save long liklik hap long yu yet insait long wanpela, tupela,

o ating olgeta tripela long ol dispela sista. Larim yumi lukluk klostu long wanwan bilong ol dispela.

#### Dispela Husat i Kisim Bagarap

Nambawan sista i bin lukim em yet olsem wanpela husat i kisim bagarap—olsem wanpela husat ol narapela bin wokim ol samting long em. I luk olsem wanpela samting na bihain narapela samting wok long kamap long em olsem bin mekim em pilim nogut. Wantaim dispela lukluk long laip, em bin wok long givim ol narapela lain kontrol antap long hau em i bin pilim na hau em bin mekim pasin. Taim yumi wokim dispela, yumi bai raun nambaut wantaim olgeta win bilong tingting—na long dispela de bilong sosol midia we i stap olgeta hap nau, dispela ol win i bai blo wantaim strong bilong hariken.

Ol dia sista, wai bai yu givim i go hamamas bilong yu long wanpela, o wanpela grup bilong ol sampela lain, husat lukaut liklik tru long yu na hamamas bilong yu?

Sapos yu painim yu yet wok long wari long wanem ol narapela lain bai i tok long yu, inap mi tokim yu long dispela marasin: holim long tingting yu husat. Holim long tingting olsem yu bilong royol haus bilong kingdom bilong God, ol pikinini meri bilong Papamama long Heven, husat i bos long olgeta yunives.

Yu gat spirit DNA bilong God. Yu gat ol narakain stret blesing em i bin kamap long taim spirit bilong yu bin kamap na dispela em bin kamap namel long dispela longpela laip bilong yu pastaim long laip bilong yu long dispela graun. Yu pikinini bilong Papa long Heven husat i save marimari na i bilong oltaim oltaim, dispela Bikpela bilong olgeta Ami, dispela Wanpela husat i kamapim dispela yunives, putim ol sta i tanim tanim raun long dispela bikpeka spes, na putim ol planet long hap ol i stap nau.

Yu stap long tupela han bilong Em. Na gutpela stret ol han.

Ol han wantaim lav.

Ol han bilong lukautim yu.

Na nogat wanpela samting wanpela man o meri bai toktok nambaut long yu bai inap senisim dispela samting. Ol toktok bilong ol i nogat mining taim yu skelim wantaim wanem God i bin tok pinis long yu.

Yu em pikinini bilong Em wantaim bikpela valu.

Em i lavim yu.

Maski taim yu i bum na klostu pundaun, maski taim yu tanim longwe long Em, God i lavim yu. Sapos yu wok long pilim olsem yu lus, olgeta lain lusim yu, o olgeta lain lus tingting long yu—noken pore. Dispela Gutpela Man Bilong Lukautim Sipsip i bai painim yu. Em bai litimapim yu long solda bilong Em. Em i bai karim yu i go long ples.<sup>2</sup>

Ol dia sista bilong mi, plis larim ol dispela divain trut i go daun insait stret long bel bilong yupela. Na bai yupela i painim olsem i gat planti as long noken sori, long wanem yupela i gat rot bilong yupela bilong oltaim oltaim i stap long yupela long wokim.

Bilaved Sevia bilong dispela wol i givim laip bilong Em olsem bai yupela inap long kisim dispela rot na mekim kamap tru. Yupela kisim pinis antap long yupela nem bilong Em; yupela ol disaipol bilong Em. Na bikos long Em, yupela inap long bilasim yupela yet long naispela kolos bilong oltaim oltaim glori.

#### Dispela Husat i No Laikim Tru

Nambatu sista bin kros long dispela wol. Olsem sori sista bilong em, em i pilim olsem olgeta problem long laip bilong em bin kamap long asua bilong narapela lain. Em i blemim ol femili bilong em, ol pren bilong em, bos na ol wanwok bilong em, ol polis, ol neiba, ol Sios lida, pasin bilong bilas nau, na tu strong bilong lait bilong san, na olsem tasol em i nogat kas. Na em i bikmaus i go long olgeta dispela lain na samting.

Em i no bin tingting long em yet olsem wanpela nogut meri. Long narakain bilong en, em bin pilim olsem em i bin wok long sapotim em yet. Olgeta narapela lain, em i

bin bilip olsem, bin strong tasol long pasin bilong tingting long ol yet, ol samting we i no impoten, na pasin bilong no laikim. Long em yet, em bin kisim strong long gutpela samting—strepela pasin, gutpela pasin, na lav.

Tasol tarangu long dispela kros sista, wei bilong tingting bilong em yumi save lukim planti taim. Dispela i bin stap long wanpela stadi ol bin wokim em bin lukluk long kros namel long tupela birua grup. Olsem hap bilong dispela stadi, ol lain painim aut bin toktok long long ol lain Palestine na ol lain Israel long bikples Middle East, na ol lain Republican na ol lain Democrat insait long kantri United States. Ol bin painim aut olsem “wanwan sait bin pilim olsem grup bilong ol yet [bin] kisim strong long lav moa long pasin bilong no laikim narapela, tasol taim ol i askim ol wai na birua grup long ol [bin] stap insait long dispela kros, [ol] bin tok olsem dispela [narapela] grup bin kisim strong long pasin bilong no laikim narapela.”<sup>3</sup>

O olsem, wanwan grup i bin tingim ol yet olsem ol “gutpela lain”—naispela, gutpela, na save tok tru. Long narakain, ol bin lukim ol birua bilong ol olsem ol “nogut lain”—lain nogat save, giaman lain, na tu ol nogut lain.

Long yia mi bin bon, dispela wol bin stap insait long wanpela nogut pait em bin bringim sori bilong bikpela pen na sori wok long daunim dispela wol. Wanpela grup long Kantri bilong mi yet—husat bin makim ol narapela grup stret olsem nogut lain na strongim bel long no laikim ol bin statim dispela pait.

Ol bin pasim maus bilong ol lain ol i no bin laikim. Ol bin semim na mekim ol luk olsem ol nogut lain. Ol i bin ting olsem ol dispela lain ol i daunbilo long ol—moa olsem ol i daunbilo long man tu. Taim yu i daunim wanpela grup lain, yu bai moa nau laik long soim olsem em i rait long tromoim ol toktok nogut na kamap bilong pait agensim ol.

Mi i save seksek taim mi tingim wanem samting bin kamap long kantri Germany long 20 senturi.

Taim wanpela laik go agensim o i no wanbel wantaim yumi, traim save mekim yumi ting olsem i mas gat sampela samting rong wantaim ol. Na long hap em i liklik step tasol long joinim dispela nogut as tingting long ol toktok na wokabaut bilong ol.

Em tru, yumi mas olgeta taim sanap long wanem samting em i rait, na i gat sampela taim taim yumi i mas apim nek bilong yumi long ol gutpela samting. Tasol, taim yumi wokim dispela wantaim kros na pasin bilong no laikim narapela long bel bilong yumi—taim yumi bikmaus long ol narapela long givim pen long ol, semim ol, o mekim ol stap isi i ken luk olsem yumi no wokim dispela insait long pasin bilong stap stret.

Sevia bin tisim wanem samting?

“Mi tok long yupela, Lavim ol birua bilong yupela, blesim ol husat i tok nogut long yupela, wokim gut long ol lain husat i no laikim yupela, na prei long ol lain husat i yusim yupela nating, na husat i mekim nogut long yupela;

“Olsem yupela bai kamap ol pikinini bilong Papa husat i stap long heven.”<sup>4</sup>

Dispela em wei bilong Sevia. Em i nambawan step long brukim kam daun ol dispela banis i kamapim planti kros, pasin bilong no laikim narapela, bruk bruk, na pait insait long wol.

“Yes,” yu inap tok, “Mi bai laik long lavim ol birua bilong mi—inap tasol olsem ol yet tu bai laik long wokim wankain.”

Tasol dispela em i no impoten, yu ting olsem wanem? Yumi risponsibol long disaipolsip bilong yumi yet, na em i gat liklik samting—o nogat samting tru—long wokim wantaim hau ol narapela lain save lukluk long yumi. I klia tru olsem yumi hop olsem long bekim ol bai wokim pasin bilong kisim gut na pasin bilong siariti long yumi tu, tasol lav bilong yumi long*ol* i nogat nid long gutpela filing bilong ol long *yumi*.

Ating ol strong bilong yumi long lavim ol birua bilong yumi bai mekim

mamlum ol bel bilong ol na tanim bel bilong ol long kamap gutpela. Ating bai no inap. Tasol dispela i no senisim promis bilong yumi long bihainim Jisas Kraus.

Olsem na, olsem ol memba bilong Sios bilong Jisas Kraus, yumi bai lavim ol birua bilong yumi.

Yumi bai daunim kros na pasin bilong no laikim narapela.

Yumi bai pulumapim bel bilong yumi wantaim lav long olgeta long ol pikinini bilong God.

Yumi bai putim han go aut long blesim ol narapela na minista long ol—ol lain tu husat i “yusim [yumi] nating, na husat i mekim nogut long [yumi].”<sup>5</sup>

#### Trupela Disaipol

Nambatri sista i makim dispela trupela disaipol bilong Jisas Kraus. Em i wokim samting we inap long hat tru long wokim: em i trastim God tu insait long pes bilong rabisim na hat taim. Long sampela wei em i lukautim gut feit na hop bilong em, maski long ol luk nogut na nogat tras raunim em. Em bin stap wantaim hamamas i no bikos long stap bilong em i bin wantaim hamamas tasol bikosemyet i bin save hamamas.

Nogat wanpela bilong yumi save mekim thru long wokabaut bilong laip wantaim nogat salens. Wantaim planti tru ol pawa we i traim long pulim yumi go aut, hau bai yumi putim ai bilong yumi pas long dispela hamamas wantaim glori em i promis bilong ol feitul lain?

Mi bilip bekim bilong dispela yumi inap painim long wanpela driman em wanpela profet bin gat wan tausen yia i go pinis. Dispela profet nem bilong em Lihai, na driman bilong em i stap olsem rekot long dispela buk we i gat bikpela valu na i nambawan stret em Buk Momon.

Long driman bilong em, Lihai lukim wanpela graun i gat bikpela spes, na insait long dispela bin gat wanpela diwai i gutpela tru, naispela tru hat long givim piksa long en. Em i lukim tu ol planti grup long ol

pipol wok long mekim wei bilong ol i go long dispela diwai. Ol i laik long kaikaim dispela naispela stret prut bilong dispela diwai. Ol i bin pilim na trastim olsem em bai givim ol bikpela hamamas na pis we bai stap wantaim ol.

Bin gat wanpela liklik rot em i lid i go long dispela diwai, na long sait bilong em bin gat wanpela aion em halivim ol long stap long dispela rot. Tasol bin gat tu wanpela simuk bilong tudak em wok long pasim ai bilong ol long dispela rot na tu long dispela diwai. Na ating samting i gat birua moa yet em ol nois bilong bikpela lap na rabisim wok long kam long wanpela bikpela haus i gat bikpela spes i na stap klostu. Traipela sem stret, olsem dispela ol lain mekim pani nambaut na winim ol sampela pipol husat bin kamap pinis long diwai na kaikaim dispela naispela stret prut long stat gen long pilim sem na go nambaut.<sup>6</sup>

Ating ol i bin wok long tubel olsem dispela diwai em i trutru naispela olsem ol bin pastaim tingim. Ating ol i bin wok long askim gen trut bilong wanem samting ol i bin ekspiriensim.

Ating ol i bin ting olsem sapos ol i tanim go aut long dispela diwae, laip i bai isi moa. Ating ol narapela bai no inap rabisim o lap long ol moa.

Na tru, ol lain husat wok long tok pilai long ol lukluk olsem ol lain husat i luk hamamas na wok long gat gutpela taim. Na ating sapos ol i lusim dispela diwai, ol bai kamap welkam insait long dispela grup bilong dispel bikpela haus wantaim bikpela spes na ol lain bai paitim han long jasmen, save, na stail bilong ol.

#### Stap long dispela Rot

Ol dia sista, ol dia pren, sapos yu painim hat long holimpas long dispela aion rod na wokabaut strong i go het long salvesen; sapos dispela lap na rabisim bilong ol narapela lukluk olsem i save stret i mekim yu long guria liklik; sapos yu trabel long ol askim i nogat bekim o ol doktrin

yu no klia tumas yet; sapos yu pilim sori bikos long ol samting i givim yu bel nogut, mi tok strong long yupela long holim long tingting driman bilong Lihai.

Stap long dispela rot!

Noken larim lus long han bilong yu dispela aion—rod dispela tok bilong God!

Na taim sampela lain traim long mekim yu sem long kisim dispela lav bilong God, pasim yau long ol.

Noken lus tingting olsem yu pikinini bilong God; planti blesing i wetim yu stap; sapos yu inap lainim long wokim laik bilong Em, yu bai stap wantaim Em wanpela moa taim!<sup>7</sup>

Ol promis bilong hamamas na wanbel long dispela wol bai yu no inap long trastim, i no tru, na bai yu i no inap hamamas long en. Ol promis bilong God ol i save stret, ol i tru, na hamamas stret—nau na oltaim oltaim.

Mi askim yu long tingim lotu na feit i kam long lukluk bilong wanpela i antap moa. Nogat samting i kam long dispela bikpela haus wantaim bikpela spes inap skelim wantaim prut bilong gospel i stap laip bilong Jisas Krai

Tru, “ai i no bin lukim, na yau i no harim, na tu i no bin go insait long bel bilong man, dispela ol samting we God i bin redim long ol husat lain i lavim em.”<sup>8</sup>

Mi bin lainim bilong mi yet olsem dispela rot bilong disaipolsip insait long dispela gospel bilong Jisas Krai em i rot bilong hamamas. Em i rot i go long sefti na pis. Em i rot i go long trut.

Mi testifai olsem long dispela blesing na pawa bilong Holi Gos, yu inap lainim dispela bilong yu yet.

Nau i go nap dispela taim, sapos dispela rot i kamap hat long yu, mi hop yu bai painim ples bilong stap seif na strong insait long ol oganaisesen bilong Sios: Pramerai, Yangpela meri, na Rilif Sosaiti. Ol dispela ol i olsem ol mak long dispela rot, we yu inap kisim gen save na feit bilong dispela rot i kam yet. Ol dispela ol i seif hom, we yu inap pilim olsem em hom bilong

yu na kisim strong i kam long ol sista na disaipol wankain olsem yu.

Ol samting yu lainim long Pramerai bai redim yu long ol sampela moa trut yu bai lainim olsem yangpela meri. Dispela rot bilong disaipolsip yu wokabaut long ol Yangpela Meri klas bai lid i go long pasin bilong pren na sista long Rilif Sosaiti. Wantaim olgeta step long dispela rot, yu bai kisim sampela moa opotuniti long soim lav bilong yu long ol narapela thru long wok bilong feit, sori pasin, siariti, klinpela pasin, na sevis.

Taim yu kisim dispela rot bilong disaipolsip em bai lidim yu i go long wanpela kain hamamas na olgeta samting bilong santu pasin bilong yu.

Em bai no inap isi. Em bai nidim nambawan tru we yu i gat—olgeta save bilong yu, save bilong yu long wokim nupela samting, feit bilong yu, gutpela pasin bilong yu, strong bilong yu, strongpela tingting bilong yu, na lav bilong yu. Tasol wanpela de yu bai lukluk bek long strong bilong yu long traim, na bai yu gretful tru olsem yu bin stap strong, olsem yu bin bilip, na olsem yu i no bin go longwe long dispela rot.

#### Go Het Yet

I gat planti samting long laip em i ausait long kontrol bilong yu. Tasol bihain tru, yu i gat pawa long kisim long laik bilong yu yet ples yu laik go long en na planti bilong ol ekspiriens bilong yu long taim yu wokabaut long dispela rot. Planti taim i no ol save bilong yu tasol ol sois bilong yu em bai mekim senis long laip.<sup>9</sup>

Yu no inap larim ol stap bilong yu mekim yu sori.

Yu no inap larim ol long mekim yu kros.

Yu i ken hamamas olsem yu pikinini meri bilong God. Yu i ken painim hamamas tru insait long marimari bilong God na insait long lav bilong Jisas Krai.

Yu i ken pilim hamamas.

Mi i tok strong long yu long

pulumapim bel bilong yu wantaim bikpela hamamas long gutpela pasin bilong God we i planti na i nogat pinis bilong en. Ol bilaved sista bilong mi, yu inap wokim dispela! Mi prei wantaim olgeta laik bilong sol bilong mi olsem yu bai mekim dispela sois long go het yet i go long dispela diwai bilong laip. Mi prei olsem yu bai kisim long laik bilong yu long litimapim nek bilong yu na mekim laip bilong yu olsem wanpela naispela singsing bilong tok tenkyu tru, hamamas long wanem lav bilong God, ol naispela samting long Sios bilong Em, na gospel bilong Jisas Krai i ken bringim i kam long dispela wol.

Dispela singsing bilong trupela disaipolsim inap kamap narakain liklik o tu inap nois liklik long sampela. Long taim bipo stret, dispela em i bin olsem.

Tasol long Papa long Heven na long dispela lain husat i lavim na honarim Em, em i wanpela gutpela na naispela singsing—dispela pua na santu singsing bilong lav bilong seivim man na sevis go long God na ol lain bilong yumi.<sup>10</sup>

Mi lusim blesing bilong mi olsem wanpela Aposol bilong Bikpela olsem bai yu strong na strong bilong bungim pen o taim nogut long hamamas tru na kamap gut olsem wanpela pikinini meri bilong God na wokabaut wantaim pilim hamamas wanwan de long dispela naispela rot bilong disaipolsip. Long sekret nem bilong Jisas Krai, amen.

#### OL NOUT

1. Lukim2 Nephi 2:14, 26.
2. Lukim Luke 15:4–6.
3. Boston College, “Study Finds Intractable Conflicts Stem from Misunderstanding of Motivation,” *ScienceDaily*, Nov. 4, 2014, sciencedaily.com.
4. Matthew 5:44–45.
5. Matthew 5:44.
6. Lukim 1 Nephi 8.
7. Lukim “I Am a Child of God,” *Children’s Songbook*, 2–3.
8. 1 Corinthians 2:9.
9. Lukim “The Most Inspirational Book Quotes of All Time”, pegasuspublishers.com/blog.
10. Lukim Alma 5:26.